



16 DAYS OF ACTIVISM AGAINST GENDER-BASED VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwgl.rutgers.edu>



juli 2013 .godine

Drage aktivistkinje i aktivisti,

Centar za globalno liderstvo žena (CWGL) ima zadovoljstvo podijeliti sa vama Resursni paket za kampanju 16 Dana aktivizma protiv rodnog nasilja u 2013. godini. U ovoj godini, kampanja nastavlja koristiti globalnu temu "Od mira u kući do mira u svijetu", i obilježava četvrtu godinu kako ukazujemo na vezu između rodno zasnovanog nasilja i militarizma. Militarizam nastavlja biti glavni uzrok rodno zasnovanog nasilja, i ostavlja ozbiljne posljedice po bezbjednost društva u cjelini, uključujući žene, djecu i muškarce. Kao organizacija koja koordinira kampanju 16 Dana aktivizma protiv rodnog nasilja na globalnom nivou CWGL se u saradnji sa drugim organizacijama i aktivistkinjama i aktivistima zalaže za osporavanje militarizma i istražuje duboko ukorijenjene socijalno-ekonomske strukture koje podržavaju rodno zasnovano nasilje.

Ovogodišnja kampanja 16 Dana aktivizma koristi informacije prikupljene od aktivistkinja, aktivista i organizacija koje doprinose mreži 16 Dana aktivizma, i fokusira se na tri ključna područja: 1) Nasilje počinjeno od državnih aktera; 2) Nasilje u porodici i korištenje lakog oružja; i 3) Seksualno nasilje tokom i poslije sukoba. U okviru ove tri ključne oblasti, kampanja 16 Dana aktivizma se zalaže za podizanje svijesti i aktivnosti usmjerene protiv međusobne povezanosti rodno zasnovanog nasilja i militarizma, te naglašava povezanost borbe za zaustavljanje rodno zasnovanog nasilja i borbe za ostvarivanje ekonomskih i socijalnih prava. Kampanja se zalaže za nove ili unaprijeđene zakone i javne politike usmjerene na sprečavanje i suzbijanje rodno zasnovanog nasilja i utiče na društvene i političke strukture koje tolerišu i sprečavaju sankcionisanje rodno zasnovanog nasilja.

Pozivamo vas da prilagodite materijale u okviru Resursnog paketa i učinite ih relevantnim u skladu sa aktivnostima koje provodite i kontekstom u okviru kojeg djelujete. Ukoliko ne želite da fokus vaših aktivnosti bude militarizam u lokalnom kontekstu, možete usmjeriti vaš rad na druge važne oblasti i probleme koji su povezani sa militarizmom. Bez obzira na problem koji će biti centralna tema vaših aktivnosti tokom ovogodišnje kampanje, pozivamo vas da ga povežete sa međunarodnom temom i uspostavite saradnju sa drugim aktivistkinjama, aktivistima i organizacijama širom svijeta. Nadamo se da će vam materijali u okviru Resursnog paketa biti od koristi u planiranju i provođenju aktivnosti ovogodišnje kampanje 16 Dana aktivizma protiv rodnog nasilja.

**Od mira u kući do mira u svijetu:
Osporimo militarizam i zaustavimo nasilje protiv žena!**

Slijedeći materijali se nalaze u okviru Resursnog paketa:

- Najava teme kampanje 16 Dana za 2013. godinu
- Trostrana brošura za kampanju
- Info listovi
- Vodič za pripremu projekata
- Izvještaj UN Komisije o statusu žena (58. sjednica)
- Prijedlog formata saopštenja za medije
- Prijedlozi postova za društvene medije
- CWGL saopštenje
- Saopštenje projekta Sigurnost
- Promotivni materijal

Linkove prema materijalima u okviru Resursnog paketa možete naći online na: [//16dayscwgl.rutgers.edu/2013-campaign/2013-take-action-kit](http://16dayscwgl.rutgers.edu/2013-campaign/2013-take-action-kit). Slobodno kontaktirajte CGWL ukoliko imate bilo kakvih pitanja u vezi pripreme kampanje 16 Dana u 2013. godini. Na web stranici globalne kampanje postoji međunarodni kalendar kampanje u koji možete postaviti svoje aktivnosti, i nalazi se na: (<http://16dayscwgl.rutgers.edu/campaign-calendar>). Voljeli bismo da primimo fotografije sa vaših akcija i materijale koje štampate u okviru kampanje, uključujući plakate, bedževe, naljepnice, novinske članke, izvještaje i sl, kako bismo ih čuvali u arhivi kampanje 16 Dana aktivizma. Posjetite Flickr stranicu kampanje 16 Dana aktivizma (<http://www.flickr.com/photos/16dayscampaign/>) kako biste pogledale fotografije snimljene tokom provođenja akcija u okviru kampanja predhodnih godina. CGWL vam se zahvaljuje što doprinosite kampanji 16 Dana aktivizma i suzbijanju rodno zasnovanog nasilja!

Solidarno,
Tim kampanje 16 Dana aktivizma
Centar za globalno liderstvo žena

Prevod: Minja Štrbac, Fondacija Udružene žene Banja Luka